

周

禮

疏

二

周禮疏卷第二

唐朝散大夫行大學博士弘文館學士臣賈公彥

等撰



大宰之職掌建邦之六典以佐王治邦國一曰
治典以經邦國以治官府以紀萬民二曰教典
以安邦國以教官府以擾萬民三曰禮典以和
邦國以統百官以諧萬民四曰政典以平邦國
以正百官以均萬民五曰刑典以詰邦國以刑
百官以糾萬民六曰事典以富邦國以任百官

周禮二

以生萬民

釋曰自此已下至職末分為二段從此職首至以富得民一段十條明經國之大綱治政

之條目自正月之吉以下至職末明頒宣前法依事而施言掌建邦之六典者謂大宰摠御群職故六典俱建也以佐王治邦國者以六典是王執治邦國王不獨治故云佐王也一曰治典以經邦國至六曰事典皆云邦國者邦國皆謂諸侯之國但治典云經者所以經紀為名故云經教典云安者地道主安故云安禮典云和者禮之用和為貴故云和政典云平者司馬主六軍以平定天下故云平刑典云詰者以其刑者所以詰禁天下故云詰事典云富者作事所以富國家故云富也又治典教典云官府禮典已下四典皆云百官者尊天地二官不局其數故不云百官而云官府也若然六官其屬各六十得稱百官者舉全數故云百官也且天官言治官府地官云教官府夏官云以正百官秋官云刑百官皆依本職而言之至於春官主禮不可云禮百官禮所以統叙萬事故云統百官也冬官不

可云事百官故變事云任任謂任使任使即事也又天官
主官治所以紀綱天下故云紀萬民也地道主民故云擾
萬民擾則馴順之義也春官主禮禮所以誥和故云誥萬
民夏官主政九畿職方制其貢有貢賦之事故云均萬民
秋官主刑刑者所以糾正天下故云糾萬民也冬官主事
侯曰萬民此天子之禮不言非民而言萬民者但非民據
天子而言之今言萬民以畿外封諸侯惟有畿內不封故
以畿內據注大曰邦小曰國邦之所居亦曰國典常也經
近而言注也法也王謂之禮經常所秉以治天下也邦
國官府謂之禮法常所守以為法式也常者其上下通名
擾猶馴也統猶合也詰猶禁也書曰度作詳刑以詰四方
任猶傳也生猶養也鄭司農云治典冢宰之職故立其官
曰使帥其屬而掌邦治以佐王均邦國教典司徒之職故
立其官曰使帥其屬而掌邦教以佐王安擾邦國禮典宗
伯之職故立其官曰使帥其屬而掌邦禮以佐王和邦國

周禮二

二

典

政典司馬之職故立其官曰使帥其屬而掌邦政以佐王
平邦國刑典司寇之職故立其官曰使帥其屬而掌邦禁
以佐王刑邦國此三時皆有官唯冬無官又無司空以三
隅反之則事典司空之職也司空之篇亡小宰職曰六曰
冬官其屬六十掌邦事釋曰周禮凡言邦國者皆是諸
侯之國此言大曰邦小曰國者止據此文邦在上國在下
故為此解案儀禮覲禮云同姓大國異姓小邦則邦國大
小通也又云邦之所居亦曰國即據王國而言故上云惟
王建國匠人營國方九里與典命國家皆是邦之所居亦
曰國也又云典常也經也法也者爾雅釋詁云典常也孫
氏云禮之常也釋言云典經也又云法者以其經常者即
是法式又云王謂之已下鄭所解也云王謂之禮經常所
秉以治天下也者凡言經者以經紀天下故王言禮經常
所秉以治天下也云邦國官府謂之禮法者凡言法者下
法於上故邦國官府謂之禮法常所守以為法式也云常
者上下通名者經據在上法據在下至於王與邦國官府

俱有常義故云常者上下通名也又云擾猶馴也者案地
官注訓擾為安此言馴不同者馴是順之義順即安義亦
通也云統猶合也者統者相統同故為合詰猶禁也者窮
詰即禁止之義也引尚書曰度作詳刑以詰四方此尚書
呂刑文是呂侯訓夏贖刑以詳審詰禁四方引證詰為禁
之義也云任猶俸也者俸猶立也東齊人物立地中為俸
削通說范陽令曰天下之人所以不敢俸刃於公之腹者
畏秦法也欲使百官皆立其功也云生猶養也者若直云
生萬民則諸官皆生萬民彼何異也於義不安故轉為養
冬官主土地所以養民故也云鄭司農云治典冢宰之職
者及下教典司徒之職禮典宗伯之職六典皆言之職此
並是序官之下次有此文故立其官曰使帥其屬而掌邦
治此以下六者皆是六官之首有此文司農摠引以釋六
典也云此三時皆有官唯冬無官者謂各六十官唯冬無
云無司空者對餘官有大宰司徒宗伯司馬司寇此則無
司空卿也云以三隅反之者凡物不圓則方方則四隅既

大七十
小五十四

周禮二

三

董

有三隅明有四隅以言既有春夏秋三時之官明有冬時
之官可知則事典司空之職是也云司空之篇亡者謂六
國時亡其時以考工記代之引小宰職者欲見當有冬官之屬也

以八灋治官府一

曰官屬以舉邦治二曰官職以辨邦治三

曰官聯以會官治四曰官常以聽官治五

曰官成以經邦治六曰官灋以正邦治七

曰官刑以糾邦治八曰官計以弊邦治

釋曰此八法雖

不云建亦有建義故鄭注大史職云六典八法八則冢宰
所建以治百官大史又建焉是也上六典云治邦國此八
法云治官府官府在朝廷之官府也 一曰官屬以舉邦
治以下皆單言邦據王國而言之言官屬者謂六官各有

六十官之屬也長官有屬官官事得舉故云以舉邦治二
曰官職以辨邦治者謂六官各有職若天官治職之等官
各有職辨別也官事有分別故云以辨邦治也 三曰官
聯以會官治者聯即連也一官不能獨共則衆官共舉之
然後事得合會故云以會官治 四曰官常以聽官治者
官常非連事通職各自於當官常職而聽治之故云以聽
官治也 五曰官成以經邦治者官成者謂官自有成事
品式依舊行之以經紀邦治也 六曰官法以正邦治者
官法謂當職所主舊法度將此法度是正邦之治政也
七曰官刑以糾邦治者言官刑非尋常五刑謂官中之刑
以糾察邦治 八曰官計以弊邦治者官計謂平治官府
之計也弊斷也謂就計會之中有失者斷之故云弊邦治
也此入法皆云邦治官常官聯二者不云邦而云官者其
官聯言官欲取會合衆官乃始得治官常言官欲取官有
常職各自治其官故二者不言注百官所居曰府弊斷也
邦而云官也及小宰運從治也注鄭司農云官屬謂六官

周禮二

四

朱

其屬各六十若今博士大史大宰大祝大樂屬大常也小
宰職曰以官府之六屬舉邦治一曰天官其屬六十是也
官職謂六官之職小宰職曰以官府之六職辨邦治一曰
治職二曰教職三曰禮職四曰政職五曰刑職六曰事職
官聯謂國有大事一官不能獨共則六官共舉之聯讀爲
連古書連作聯聯謂連事通職相佐助也小宰職曰以官
府之六職合邦治一曰祭祀之聯事二曰賓客之聯事三
曰喪荒之聯事四曰軍旅之聯事五曰田役之聯事六曰
教弛之聯事官常謂各自領其官之常職非連事通職所
共也官成謂官府之成事品式也小宰職曰以官府之八
職經邦治一曰聽政役以比居二曰聽師田以簡稽三曰
聽閭里以版圖四曰聽稱責以傳別五曰聽祿位以禮命
六曰聽取予以書契七曰聽賣買以質劑八曰聽出入以
要會官法謂職所主之法度官職主祭祀朝覲會制賓客
考則皆自有其法度小宰職曰以法掌祭祀朝覲會同賓
客之戒具官刑謂同刑所掌墨辜劓辜官辜別辜殺辜也

官計謂三年則大計羣吏之治而誅賞之玄謂官刑司寇之職五刑其四曰官刑上能糾職官計謂小宰之六計所以斷羣吏之治釋曰言百官所居曰府者欲以官府為一事解與上府史之府別彼府主藏文書此府是百官所居處皆是府聚之義也鄭司農引官屬謂六官其屬各六十下引小宰所云者是也云若今博士云云屬大常也者司農據漢百官年表漢始叔孫通為奉常後改為大常博士官刑先鄭謂司刑所掌墨臯劓臯宮臯劓臯殺臯此是正五刑施于天下非為官中之刑故後鄭不從之也官計謂三年大計羣吏之治而誅賞者此為三年一考乃一計之此官計每歲計之故後鄭亦不從之玄謂官刑司寇之職五刑其四曰官刑上能糾職是專施于官府之中於義為當也官計謂小宰之六計所以斷羣吏之治羣吏之治即是官中之計於義亦當矣故引破司農也以

八則治都鄙一曰祭祀以馭其神二曰灋則

周禮二

五

四

以馭其官三曰廢置以馭其吏四曰祿位以馭其士五曰賦貢以馭其用六曰禮俗以馭其民

七曰刑賞以馭其威八曰田役以馭其衆釋曰則亦法也

以八則治三等采地之都鄙也 一曰祭祀以馭其神者

采地之中祭祀宗廟社稷五祀下注云凡云馭者所以馭

之內之於善則於祭祀之中宗廟先祖則無可去取至社稷

配食者若取句龍后稷上公有功是內之善也 二曰法

則以馭其官者法則謂官之制度與在官為法則使

不備差亦所以馭之使入善也 三曰廢置以馭其吏者

謂有罪則廢退之有賢則舉置而贊之亦所以馭人於善

也 四曰祿位以馭其士者士謂學士學士有賢行學業

則詔之以爵位祿賞亦是馭之於善也 五曰賦貢以馭

其用者采地之民口率出泉為賦有井田之法一夫之田

稅入於官官得之節財用亦是使人入善故云以馭其用也
六曰禮俗以馭其民者俗謂昏姻之禮舊所常行者為俗還使民依行使之入善故云以馭其民
七日刑賞以馭其威者謂有罪刑之有功賞之使人入善畏威故云以馭其威
八曰田役以馭其衆者謂采地之中得田獵使役於民皆當不奪農時使人入善故云以馭其衆也據此文則卿大夫得田獵而春秋左氏傳鄭大夫豐卷請田子產不許者彼常田之外臨祭取鮮唯人君耳大夫唯得常田故禮云大夫不掩群亦是常田豐卷亦注都之所居借取鮮故子產云唯君用鮮明大夫不合也注曰鄙則亦法也典法則所用異異其名也都鄙公卿大夫之采邑王子弟所食邑周召毛聃畢原之屬在畿內者祭祀其先君社稷五祀法則其官之制度廢猶退也退其不能者舉賢而置之祿若今月奉也位爵次也賦口率出泉也貢功也九職之功所稅也禮俗昏姻喪紀舊所行也鄭司農云士謂學士釋曰上言邦國則諸經有邦國別言之者故解

卷九十六

周禮二

六

為大曰邦小曰國此采地云都鄙諸文無或言都或言鄙別號故鄭云都之所居曰鄙大司徒云凡造都鄙鄭云其界曰都鄙所居也春秋傳曰遷鄭焉而鄙留是鄙所居下遷也云則亦法也典法則所用異異其名也者謂典法則三者相訓其義既同但邦國言典官府言法都鄙言則是所用處異故別言之其實義通也云都鄙公卿大夫之采邑者載師職云家邑任稍地則大夫之采也小都任縣地則六卿之采也大都任疆地則三公之采也云王子弟所食邑者親王子母弟與公同處而百里次疏者與六卿同處而五十里次疏者與大夫同處二十五里案禮記禮運云天子有田以處其子孫鄭注中庸云同姓雖恩不同義必同也尊重其祿位所以貴之不必授以官守然則王子母弟雖食采也未必則有官有官則依公卿大夫食邑不假別言也云周召毛聃畢原之屬者僖二十四年左傳召穆公云管蔡邲霍魯衛毛聃邠雍曹滕畢原豐郇文之昭也邢晉應韓武之穆也今鄭直云周召毛聃畢原之屬在

畿內者其餘或在畿外故不盡言也引之者證王子弟有采邑也云祭祀其先君社稷五祀者案孝經大夫章不云社稷則諸侯卿大夫也若王子母弟及三公稱諸侯者五廟五祀三社三稷故云祀先君社稷五祀也云法則其官之制度者謂宮室車旗衣服之等皆不得僭也云祿若今月奉也者古者祿皆月別給之漢之月奉亦月給之故云若今月奉也云位爵次也者言朝位者皆依爵之尊卑為次則經云位據立故云爵次也云賦口率出泉也者下文九職九賦職賦相繼而言故知賦即九賦口率出泉也云貢功也九職之功者亦約下文言九賦上言九職九職任之九賦斂之是以大府云九賦九功九功即九職之功故鄭於此以貢為功是九職之功出稅也云禮俗昏姻喪紀者曲禮云君子行禮不求變俗若不醴醮用酒是其一隅也云鄭司農云士謂學士者經云祿位以取其士使進受祿位

周禮二

七

便錫

以八柄詔王取群臣餘條皆不言詔獨此與下八
統言詔王者餘並群臣職務常所依行歲終致事乃考知
得失此乃王所操持王不獨執群臣佐之而已故特言詔
也言取者此八者皆是歐群臣入善之事故皆言取也
一曰爵以取其貴者司士云以德詔爵有賢乃受爵是取
之以貴也 二曰祿以取其富者司士云以功詔祿祿所
以富臣下故云以取其富 三曰予以取其幸謂言語偶
合于善有以賜予之故云以取其幸 四曰置以取其行
者有賢行則置之于位故云以取其行 五曰生以取其
福者生猶養也臣有大勲勞者使子孫享養之是福祐之

馭其貴二曰祿以馭其富三曰予以馭其幸四
曰置以馭其行五曰生以馭其福六曰奪以馭
其貧七曰廢以馭其罪八曰誅以馭其過

釋曰
六等

幽也故云以馭其福 六曰奪以馭其貧者謂臣有大罪
有殺奪其家資故云以馭其貧 七曰廢以馭其舉者廢
明也謂臣有大罪君不忍刑殺放之以遠故云以馭其舉
意曰誅以馭其過者臣有過失非故為之者誅責也則以
理語責讓之故云以馭其過也此經入事自五日已上皆
象則大惡者在前小善者在後自六曰已下皆是惡
象一曰爵二曰祿與此同三曰廢四曰置五日殺六曰生
七曰予八曰奪文亂與此不同者彼欲見事起無常故所
言不次也又彼變誅言殺欲見為惡不止則殺之或可見
此過失則園土之刑人也出園土則殺之故內史變誅言
殺也且此中爵與祿廢與置皆別文以王德為大能明辨
之四者設文有別八則中爵祿及廢 注柄所秉執以起事
置皆共文者以其德小不能辨故也 賢謂公侯伯子男卿大夫士也詩云誨爾序爵言教王以
賢否之第次也班祿所以富臣下書曰凡厥正人既富方

八月禮二

八

禮記

設幸謂言行偶合於善則有以賜予之以勸後也生猶養
也賢臣之老者王有以養之成王封伯禽於魯曰生以養
周公死以為周公後是也五福一曰壽奪謂臣有大罪沒
入家財者六極四曰貧廢猶放也舜殛鯀于羽山是也誅
責讓也曲禮曰齒路馬有誅凡言馭者所以馭之內之於
善 釋曰柄者謂八者若斧斤之柄人所秉執以起事故
以柄言之也云爵謂公侯已下者欲見周法爵及命士不
言孤者卿中舍之故考工記云外有九室九卿朝焉九卿
謂三孤六卿是卿中舍孤也引詩誨爾序爵者大雅桑柔
詩序是先後次第之言誨教也故鄭云言教王以賢否之
第次也又引書者是尚書洪範之文云凡厥正人既富方
穀者厥其也方道也穀善也凡其正直之人既以爵祿富
之又以善道接之引之者證以馭其富也云成王封伯禽
於魯曰生以養周公死以為周公後是也者此並文公十
三年公羊傳文彼云周公拜乎前魯公拜乎後曰生以養周公
死以為周公主此云為周公後不同者鄭以義言之又云五福一

曰壽者此亦洪範文引之者證賢臣老養之是五福一曰壽故曰以馭其福也云六極四曰貧亦洪範文引之者證大罪奪之家資以馭其貧也云廢猶放也舜殛鯀于羽山者鮫治水九載績用不成殛誅也羽山東裔也云曲禮曰齒路馬有誅者齒謂年之路馬君之所乘馬輒年之則有誅責引之者證誅為言語責之非有刑罪也

統詔王馭萬民一曰親親二曰敬故三曰進賢

四曰使能五曰保庸六曰尊貴七曰達吏八曰

禮賓釋曰鄭云統所以合率以等物也此八者民與在上同有物事也謂率下民使與上合皆有以等其事上

行之下效之也故以萬民為主也 一曰親親者君與民俱親九族之親 二曰敬故者君與民皆須恭敬故舊朋

友 三曰進賢者有賢在下君當招之民當舉之是君民皆進賢也 四曰使能者下有技能君民共舉任之 五

周禮二

九

梁文

曰保庸者保安也庸功也有功者上下俱賞之以祿使心安也 六曰尊貴者臣有貴者君民共尊敬之 七曰達

吏者吏勤勞在民間在下位不能自達者進之於上而用之也 八曰禮賓者天子待朝聘之賓在下皆當禮於賓

客此八者先親親後賓注統所以合率以等物也親親若客亦是先後之次也 堯親九族也敬故不慢舊也晏

平仲久而敬之賢有善行也能多才藝者保庸安有功者尊貴尊天下之貴者孟子曰天下之達尊者三曰爵也德

也齒也祭義曰先王之所以治天下五貴有德貴貴老敬長慈幼達吏察舉勤勞之小吏也禮賓賓客諸侯所以

示民親仁善鄰 釋曰云親親謂若堯親九族也者堯典云克明俊德以親九族則堯能任用俊德之賢以自輔乃

能親九族上至高祖下及玄孫之親旁及五服民亦效之而親九族也云敬故不慢舊也引晏平仲久而敬之者謂

他人久敬平仲由平仲敬於他人善在平仲故親親引堯敬故引平仲欲見上下通有是以伐木詩是文王敬故也

云賢有善行也能多才藝者案鄉大夫云與賢者出使長之與能者入使治之是賢有六德六行者能者直六藝而已云尊貴天下之貴者者謂天下有貴皆尊之云孟子曰天下之達尊者三謂三者天下通達行之三者即爵德齒也爵即經云賢者為大夫能者為士皆是用德為爵證經任賢能也云齒也者謂若黨正飲酒之禮六十已上在堂上以齒此連引之於經無所當也云祭義曰先王之所以治天下者五貴有德者即舉賢者也貴貴即尊貴也貴老尚長慈幼者三者於經無所當亦連引之耳云達吏察舉勤勞之小吏也者小吏在民間謂若比長閭胥之等雖小吏堪在大官故察舉用之云禮賓賓客諸侯者謂若大行人上公侯伯子男之禮皆為等級以禮之是賓客諸侯也云所以示民親仁善鄰者親仁善鄰左氏隱公六年陳五父之辭親仁善鄰則當禮賓故引以證禮賓也以九職任萬民一曰三農生九穀二曰園圃毓草木

三曰虞衡作山澤之材四曰藪牧養蕃鳥獸五曰百工飭化八材六曰商賈阜通貨賄七曰嬪婦化治絲枲八曰臣妾聚斂疏材九曰間民無

常職轉移執事

釋曰此九者皆是民之職業故云任萬民也 一曰三農生九穀者言三

農謂農民於原隰及平地三處營種故云三農生九穀也 二曰園圃毓草木者此圃即載師所云場圃任園地謂在田畔樹菜蔬果蒹者故云毓草木也 三曰虞衡作山澤之材者謂任山澤之民所作事業材木而已 四曰藪牧養蕃鳥獸者謂任藪牧之民事業使之長養蕃滋飛鳥走獸而已 五曰百工飭化八材者謂百種巧作之工所為事業變化八材為器物而飭之而已飭勤也勤力以化八材 六曰商賈阜通貨賄者謂商賈之家所為事業通貨

顯使之阜盛 七曰嬪婦化泊絲枲者嬪婦謂國中婦人
有德行者治理變化絲枲以為布帛之等也 八曰臣妾

聚斂疏材者謂男女貧賤號為臣妾者所為事業聚斂百
草根實而已 九曰間民無常職轉移執事者其人為性

不營已業為間民而好與人傭賃非止 注 任猶傳也鄭司
一家轉移為人執事以此為業者耳 注 農云三農平地

山澤也九穀黍稷稻麻大小豆大小麥八材骨曰切象
曰珷玉曰琢石曰磨木曰刻金曰鏤革曰剝羽曰折間民

謂無事業者轉移為人執事若今傭賃也玄謂三農原隰
及平地九穀無秣大麥而有梁苽樹果菹曰圃園其樊也

虞衡掌山澤之官主山澤之民者澤無水曰藪牧牧田在
遠郊皆畜牧之地行曰商處曰賈阜盛也金玉曰貨布帛

曰賄嬪婦人之美稱也堯典曰釐降二女嬪于虞臣妾男
女貧賤之稱晉惠公卜懷公之生日將生一男一女男為

人主女為人妾生而名其男曰圉女曰妾及懷公質於秦
妾為官女焉疏材百草根實可食者蔬不熟曰飶 釋曰

大周禮二

十一

玉

云在猶傳也者傳謂立也使民之業得立云鄭司農云三
農平地山澤也者以其積石曰山水鍾曰澤不生九穀故

後鄭不從之也云九穀黍稷稻麻大小豆大小麥者此
九者後鄭以為無秣大麥而有梁苽八材云珠曰切之下

並爾雅文皆是治器用之名也然今爾雅云骨曰切者蓋
司農讀爾雅本作珠也云玄謂三農原隰及平地者爾雅

高平曰原下濕曰隰原及平地可種黍稷之等隰中可種
稻麥及苽也云九穀無秣大麥而有梁苽者以秣為赤粟

與稷黏踈為異故去之大麥所用處少故亦去之必知有
梁苽者下食醫云凡膳食之宜有犬宜梁魚宜苽故知有

梁苽也且前七穀之中依月令麥屬東方黍屬南方麻屬
西方豆屬北方稷屬中央故知有黍稷麻豆麥稻與小豆

所用既多故知有稻有小豆也必知有大豆者生民詩云
藝之戎菽戎菽大豆后稷之所殖故知有大豆也云樹果

菹曰圃園其樊者案漢書食貨志云田中不得有樹用妨
五穀環廬樹桑麻菜茹瓜瓠果菹應劭曰木曰果草曰菹

菹曰圃園其樊者案漢書食貨志云田中不得有樹用妨
五穀環廬樹桑麻菜茹瓜瓠果菹應劭曰木曰果草曰菹

張晏曰有核曰果無核曰旅臣瓚曰木上曰果地上曰旅
故與瓚義同晏獨異也案載師云場圃任園地則圃在
中故鄭云樹果旅曰圃園其樊是以詩云折柳樊圃謂與
圃為樊樊其蕃蔽也云虞衡掌山澤之官主山澤之民者
案地官掌山澤者謂之虞掌川林者謂之衡則衡不掌山
澤而云虞衡作山澤者欲互舉以見山澤兼有川林之材
也鄭既云虞衡掌山澤之官復云山澤之民者欲見虞衡
是官非出稅之人以山澤之民無名號故借虞衡之官以
表其民所任者任山澤之萬民山虞澤虞之官非是以任
出稅之物但主山澤之民也云澤無水曰藪藪者地官澤虞
云大澤大藪藪澤別言詩云叔在藪火烈具舉藪若有水
不得田獵故知澤無水曰藪也云牧牧田在遠郊知者見
載師云牧田賞田任遠郊之地云皆畜牧之地者謂藪牧
皆是畜牧之地案載師職鄭注牧田畜牧者之家所受田
也非畜牧之地此解違者但牧六畜之地無文鄭約與家
人所受田處即有六畜之地故云在遠郊也云行曰商處

周禮二

十二

吳齊

曰賈者諸官之下有賈人無行法故曰處易復象曰至日
閉關商旅不行是行曰商也云金玉曰貨貨者案食貨志王
莽居攝更作金銀龜貝錢布之器名曰寶貨是自然之物
曰貨也聘禮曰賄用束紡是入所為曰賄也若然王制云
錦文珠玉不粥于市此商賈得通之在市者彼據珠玉有
錦文者或彼異代禮也案左氏襄十五年宋人獻玉于子
罕子罕寘諸其里使玉人為之攻之富而後使復其所服
氏云富賈玉得富是其得粥玉也云嬪婦人之美稱也者
此是國中婦人有德行故稱嬪引堯典釐降二女嬪于虞
者欲見嬪是婦人美稱之義耳云臣妾男女貧賤之稱者
或奴戮之餘胤或背德之質子晉衛之男女皆是故引晉
息以釋之也云晉惠已下皆左氏傳僖十七年夏晉太子
圉為質于秦云惠公之在梁梁伯妻之梁嬴孕過期卜招
父與其子卜之其子曰將生一男一女招曰然男為人臣
女為人妾及生男曰圉女曰妾注養馬曰圉不聘曰妾後
子圉西質妾為官女是也此鄭與文異者鄭以義增之也

云疏材百草根實者百草或取根謂若蒨莢之屬或取實謂若榛栗之屬皆是根實可食也云疏不熟曰饑者爾雅云穀不熟為饑疏不熟為饑以九賦斂財賄一曰邦

中之賦二曰四郊之賦三曰邦甸之賦四曰家

削之賦五曰邦縣之賦六曰邦都之賦七曰關

市之賦八曰山澤之賦九曰幣餘之賦釋曰云以九賦

斂財賄者此賦謂口率出泉其處有九故云九也既云賦得口率出泉則財賄非泉而云斂財賄者計口出泉無泉

者取財賄以當筭泉之賦故云斂財賄也一曰邦中之賦者謂國中之民出泉也二曰四郊之賦者計遠郊百

里之內民所用出泉也三曰邦甸之賦者謂郊外曰甸百里之外二百里之內民所出泉也四曰家削之賦者

謂三百里之內地名削其中有大夫采地謂之家故名家削大夫采地中賦稅入大夫家但大夫家采地外其地為公

邑公邑之內其民出泉入王家故舉家稍以表公邑之民也五曰邦縣之賦者四百里地名縣有小都賦入采地

之主其中公邑之民出泉入王家也六曰邦都之賦者其五百里中有大都采地其賦入主外為公邑其中

民所出泉入王家也七曰關市之賦者王畿四面皆有關門及王之市廛二處其民之賦口稅所得之泉也八

曰山澤之賦者謂山澤之中財物山澤之民以時入而取之出稅以當邦賦所稅得之物貯之而官未用有人占會

取之為官出息此人口稅出泉謂之山澤之賦也九曰幣餘之賦者謂為國營造用物有餘並歸之於職幣得之

不入府藏則有人取之為官出泉此人亦口稅出泉謂之幣餘之賦然關市山澤幣餘不出上六處而特言者以其

未作當增注財泉穀也鄭司農云邦中之賦二十而稅一賦故也各有差也幣餘百工之餘立謂賦口率出泉

也今之筭泉民或謂之賦此其舊名與鄉大夫以歲時登其夫家之衆寡辨其可任者國中自七尺以及六十野自六尺以及六十有五皆征之遂師之職亦云以徵其財征皆謂此賦也邦中在城郭者四郊去國百里邦甸二百里家削三百里邦縣四百里邦都五百里此平民也關市山澤謂占會百物幣餘謂占賣國中之斤幣皆未作當增賦者若今賈人倍筭矣自邦中以至幣餘各入其所有穀物以當賦泉之數每處為一書所符異也釋曰知財得為泉者見外府云掌邦布之出入賜予之財用以此知財中有泉也又知財中有穀者案禮記喪大記云納財朝一溢米米即是穀故知財中有穀也云鄭司農云邦中之賦二十而稅一各有差也者先鄭約載師園廩二十而一近郊十一遠郊二十而三故云各有差後鄭不從者以關市山澤幣餘之賦皆無地稅即上云邦中四郊之等亦非地稅故不從也云幣餘百工之餘後鄭不從者若是百工之餘當歸之職幣何有稅乎云玄謂賦口率出泉也者案大府

十三 周禮二 十四

云九貢九賦九功各別又見司會云以九貢致邦國之財用以九賦令田野之財用以九功令民職之財用貢賦及功各別賦為口泉也是以鄭君引漢法民年二十五已上至六十出口賦錢人百二十以為筭故鄭於此注亦云今之筭泉民或謂之賦此其舊名與又引鄉大夫以歲時登其夫家已下及遂師職者欲見征賦為一皆是口率出泉破司農為地稅也云邦中在城郭已下至五百里此皆約載師所云遠郊甸地削地縣地疆地之等遠近之差云此平民也者謂六曰已上皆是平善之民先王以農為本故謂之平民也對七曰已下非農民者為末作也云關市山澤謂占會百物者謂關上以貨出入有稅物市若泉府廩布總布之等亦有稅物山澤民人入山澤取材物亦有稅物此人占會百物為官出息幣餘謂占賣國中斤幣斤幣謂此物不入大府指斤出而賣之故名斤幣云當增賦者者謂口率出泉增於上農民故云若今賈人倍筭矣云邦中以至幣餘各入其所有穀物以當賦泉之數者以

經云斂財賄財賄即是穀物取之以當賦泉之數若漢法人百二十云每處爲一書所待異也者此九賦所得財物給下九式之用九式用處不同故此九賦分爲九處是以每一處爲一書以待其出式謂用財之節度是所待異也

以九式均節財用一曰祭祀之式二曰賓客之

式三曰喪荒之式四曰羞服之式五曰工事之

式六曰幣帛之式七曰芻秣之式八曰匪頒之

式九曰好用之式釋曰云以九式均節財用者式謂依常多少用財法式也 一曰祭

祀之式者謂若大祭次祭用大牢小祭用特牲之類 二曰賓客之式者謂若上公饗餼九牢飧五牢五積之類 三

曰喪荒之式者喪謂若諸侯諸臣之喪含襚贈奠賻贈之類 四曰工事之式者謂若諸侯諸臣之喪含襚贈奠賻贈之類 五曰工事之式者謂若諸侯諸臣之喪含襚贈奠賻贈之類

者謂若賻勞賓客也 七曰芻秣之式者謂牛馬禾穀也 八曰匪頒之式者謂若分賜群臣也 九曰好用之式者

燕好所施予也此九者亦依注式謂用財之節度荒凶年尊卑緩急爲先後之次也 也羞飲食之物也工作器

物者幣帛所以贈勞賓客者芻秣養牛馬禾穀也鄭司農云匪分也頒讀爲班布之班謂班賜也立謂王所分賜羣

臣也好用燕好所賜予釋曰云荒凶年也者曲禮云歲凶年穀不登是凶年也云羞飲食之物也者謂若膳夫飲

用六清食用六穀醬用百有二十饗之類云工作器物者若考工所作器物也云幣帛所以贈勞賓客者謂若司儀

職上公三問三勞之等皆有束帛聘禮賄用束紡云芻秣養牛馬禾穀者謂若聘禮致饗餼芻禾之等也云立謂王

所分賜群臣者就足司農班賜之義也云好用燕好所賜予者以其言好則知是燕飲有所愛好自因歡樂則有賜

予者以其言好則知是燕飲有所愛好自因歡樂則有賜

予者以其言好則知是燕飲有所愛好自因歡樂則有賜

予也。以九貢致邦國之用。一曰祀。二曰嬪。三曰服。

曰器。四曰幣。五曰材。六曰貨。七曰服。

貢。八曰旂。九曰物。貢。釋曰云致邦國之用者謂此貢諸侯邦國歲之常貢則小

行人云今春入貢是也。大行人云侯服歲一見其貢。祀物彼謂因朝而貢與此別也。但諸侯國內得民稅大國貢半

次國三之一。小國四之一。所貢者市取當國。注嬪故書作所出美物則禹貢所云厥篚厥貢之類是也。注賓鄭司農

云祀貢犧牲包茅之屬。賓貢皮帛之屬。器貢宗廟之器。幣貢繡帛。材貢木材也。貨貢珠貝自然之物也。服貢祭服。旂

貢羽毛物。貢九州之外各以其所貴為摯。肅慎氏貢楛矢之屬是也。玄謂嬪貢絲枲。器貢銀鐵石磬丹漆也。幣貢玉

馬皮帛也。材貢種榦栝柏篠簜也。貨貢金玉龜貝也。服貢絺紵也。旂讀如圍游之游。游貢燕好珠璣琅玕也。物貢

雜物。魚鹽橘柚。釋曰言故書者鄭注周禮時有數本劉向未校之前或在山巖石室有古文考校後為今文古今不同鄭據今文注故云故書作賓此九貢皆是諸侯賓之所貢不得特以一事為賓貢賓者非也若言嬪貢謂絲枲堪為婦人所作是也鄭司農云祀貢犧牲包茅之屬者案禮記禮器云三牲魚腊九州之美物故知祀貢有犧牲也案僖公四年齊責楚包茅不入王祭不共無以縮酒故知祀貢中有包茅云賓貢皮帛之屬後鄭從嬪不從賓如上釋也云器貢宗廟之器者大行人因朝而貢者得有成器此歲之常貢不得有成器故後鄭不從也云幣貢繡帛者禹貢有厥篚織貝及玄纁縞之等故知幣貢中有繡帛也云材貢木材也者案禹貢中有惟木故知材貢中有木材也云貨貢珠貝自然之物也者亦據食貨志為說云服貢祭服者後鄭亦不從以大行人因朝而貢有祭服此歲之常貢不得有成服云旂貢羽毛者亦不從者以其旂據人宴好不得據鳥上生稱故不從也云物貢九州之外各

大司馬三 周禮二 十六 苑華

以其所貴為摯又引肅慎氏貢楛矢之屬後鄭不從者以其九州之外世一見無此歲之常貢之法也云玄謂嬪貢絲枲者絲枲青州所貢此破先鄭為賓貢云器貢銀鐵石磬丹漆也者銀鐵梁州所貢漆兗州所貢石即礪砥荊州所貢磬即泗濱浮磬徐州所貢云幣貢玉馬皮帛也者禹貢堯時無貢馬法觀禮諸侯享禮云匹馬卓上九馬隨之周則有之玉即琀琳皮即熊羆狐狸並雍州所貢帛即織貝之類揚州所貢此增成先鄭之義云材貢樵幹栝柏篠簜也者並荊州所貢此亦增成先鄭之義云貨貢金玉龜貝也者亦增成先鄭之義龜出九江荊州所貢玉即球琳亦雍州所貢金即金三品及貝揚州所貢云服貢絺紵也者豫州所貢云旂讀為圍游之游游貢旒好珠璣琅玕也者此破先鄭物上生名為羽毛也珠即蠙珠徐州所貢璣即璣細荊州所言琅玕雍州所貢云物貢雜物魚鹽摘柚者此亦破先鄭之義魚即鱣魚徐州所貢鹽青州所貢摘柚貢橘抽荆揚所貢已上所貢之物皆據禹貢而言

五十九

周禮二

十七

李忠

兩繫邦國之民一曰牧以地得民二曰長以貴

得民三曰師以賢得民四曰儒以道得民五曰

宗以族得民六曰主以利得民七曰吏以治得

民八曰友以任得民九曰數以富得民

釋曰言邦國即

據諸侯及萬民而言謂王者於邦國之中立法使諸侯與民相合耦而聯絡不使離散有九事故云以九兩繫邦國之民也 一曰牧以地得民者謂畿外八州之中州別立一州牧使侯伯有功德者為之使統領二百一十國以有得民者謂一國立諸侯與民為君長是一國之貴民所仰放而民歸之故云以貴得民也 三曰師以賢得民者謂諸侯已下立教學之官為師氏以有三德三行使學子歸

之故曰以賢得民則學子是也 四曰儒以道得民者諸侯師氏之下又置一保氏之官不與天子保氏同名故號曰儒掌養國子以道德故云以道得民民亦謂學子也五曰宗以族得民者謂大宗子與族食族燕序以昭穆故云以族得民民即族人也 六曰主以利得民者主謂大夫宜君政教以利得民民則采邑之民也 七曰吏以治得民者吏在民間若比長習胥有以治政之所得民 八曰友以任得民者言以任則非同門之朋友謂在田里之間相佐助以相任使而得民即鄰里聚居者 九曰藪以富得民者以上八者皆據人而言此一者不據人而言藪者見民之所居之處利益於人澤藪之中多有材物以富得民舉藪而言則山澤十等皆有材物民居可知也注兩猶耦也所以協耦萬民繫聯綴也牧州長也九州各有封域以居民也長諸侯也一邦之貴民所仰也師諸侯師氏有德行以教民者儒諸侯保氏有六藝以教民者宗繼別為大宗收族者鄭司農云主謂公卿大夫世世食采不

絕民稅薄利之亥謂利讀如上思利民之利謂以政教利之吏小吏在鄉邑者友謂同井相合耦耦作者孟子曰鄉田同井出入相友守望相助疾病相扶持則百姓親睦藪亦有虞掌其政令為之藪禁使其地之民守其材物以時入于王府頒其餘於萬民富謂藪中材物 釋曰訓兩猶耦者欲取在上與民相協耦聯綴使不離散也云牧州長也者禮記王制云二百一十國以為州州有伯伯則長故云牧州長也鄭注下曲禮云選賢侯為之云九州各有封域以居民也者詩云帝命式于九圍九圍則九州各有封域疆界也言此者證以地得民云長諸侯也者對則大夫稱長諸侯稱君今此上言牧下言長故據諸侯也云師諸侯師氏者此一經皆據諸侯又經云以賢得民是諸侯師氏也云有德行者師氏職云以三德三行教國子故知有德行也云儒諸侯保氏有六藝者以經云以道得民保氏職云掌養國子以道教之六藝故知諸侯保氏不可同天子之官故變保言儒儒亦有道德之稱也宗繼別為大宗收族

六小卷九十五 周禮二 十八 杞

者見禮記大傳云繼別為大宗對繼禰為小宗故云大又云敬宗故收族族食族燕是所以收族也鄭司農云主謂公卿大夫世世食采不絕民稅薄利之者先鄭意以薄稅為利後鄭不從者稅法有常故孟子云若輕之於堯舜大貉小貉重之於堯舜大桀小桀是不得有輕重皆以什一為正何得薄稅以利民乎故不從也云玄謂利讀如上思利民之利者謂以故教利之者上思利民忠也此左氏傳隨季良之辭也云吏小吏在鄉邑者謂若比長閭胥或在鄉或在公邑采邑皆是云友謂同井相合耦耨作者鄭意非謂同師曰友正是同在井邑之間共居若里宰職合耦于耨注云合耦使相佐助者也云孟子曰鄉田同井出入相友守望相助疾病相扶則百姓親睦引孟子鄉田同井者以證友是同井之友但鄉遂為溝洫不為井田而云鄉田同井者鄉遂雖不為井田亦三三相任以出稅與井田同故云同井或解同井水義亦通也云藪亦有虞者地官澤虞職云每大澤大藪中士二人是藪有虞也云掌其政

周禮二

十九

全

令已下皆澤虞職文云富謂藪中材物者謂有薪蒸蒲葦藪中所有之物也

正月之吉始和

布治于邦國都鄙乃縣治象之灋于象魏使萬

民觀治象挾日而斂之

釋曰自此已下皆謂施前事條謂建子周之正月言之吉

謂朔日也始調和上六典八法已下之事和訖當月即頒布此治職文書于諸侯邦國卿大大都鄙言乃縣者乃緩辭至建寅之正月乃縣治象之法于雉門象魏使萬民共觀治象挾日者從甲至甲凡十日斂藏之于明堂於後月月受而行之注正月周之正月吉謂朔日大宰以正月朔謂之告朔也注曰布王治之事於天下至正歲又書而縣于象魏振木鐸以徇之使萬民觀焉小宰亦帥其屬而徃皆所以重治法新王事也凡治有故言始和者若改造云爾鄭司農云象魏闕也故魯災季相子御公立于象魏之外命藏象魏曰舊章不可忘從甲至甲謂之挾日凡十日

釋曰知正月是周之正月者下文乃縣是建寅明上云正月是周正月知吉是朔日者論語鄉黨云吉月必朝服而朝是吉謂朔日禮記玉藻云諸侯皮弁聽朔于大廟或云吉或云朔聽朔在月一日是知吉為朔日也云大宰以正月朔日布王治之事于天下者言天下即經邦國都鄙是畿外畿內徧天下即鄉大夫職云正月之吉受法於司徒退而頒之於其鄉吏是司徒布教法從六鄉已下出則此大宰布法亦從六鄉已下出也云至正歲又書而縣于象魏者此鄭釋經中乃縣必知乃縣是正歲建寅之月者下小宰所以佐大宰彼云正歲縣之與此乃縣為一事故至正歲縣也鄭知振木鐸者約小宰而知也云凡治有故言始和者若改造云爾者上六典已下至九兩國法常定今云始和似更新其事改造云爾其實不改鄭司農云象魏闕也者周公謂之象魏雉門之外兩觀闕高魏魏然孔子謂之觀春秋左氏定二年夏五月雉門災及兩觀是也云觀者以其有教象可觀望又謂之闕者闕去也仰視治象

周禮二十 王莽

闕去疑事或解闕中通門是以莊二十一年云鄭伯享王于闕西辟注闕象魏也案公羊傳云子家駒謂昭公云諸侯僭天子大夫僭諸侯矣矣公曰吾何僭矣哉子家駒曰設兩觀乘大路何氏云天子兩觀諸侯臺門則諸侯不合有觀也若然雉門災及兩觀及禮運云遊於觀之上有觀亦是僭也云故魯災季桓子御公立于象魏之外命藏象魏曰舊章不可忘者此哀公三年左氏傳辭案彼桓僖廟災天火曰災謂桓僖廟被天火所燒舊章象魏在大廟中恐火連及故命藏之若然象魏縣教治也以其象魏建寅之月縣之十日藏之大廟中季桓子曰與公立於雉門象魏之外觀舊縣之處故命藏大廟中象魏引之者證象魏是教象之法又云從甲至甲謂之挾日凡十日者破諸家從甲至癸謂之挾日挾通也若從甲至癸仍有癸日不得通挾故以從甲至甲言之

乃施典于邦

國而建其牧立其監設其參傳其伍陳其殷置

其輔

釋曰上以言六典治邦國更言施典于邦國故鄭云乃者更申勅之所施者典則建其牧已下是也

建立也每一州之中立一牧立其監者每一國之中立一諸侯使各監一國設其參者謂諸侯之國各立三卿傳其

伍者謂三卿下各立五大夫陳其殷者三卿下各陳士九人三九二十七置其輔者謂三卿下各設府史胥徒

乃者更申勅之以侯伯有功德者加命作州長謂之牧所謂八命作牧者監謂公侯伯子男各監一國書曰王啓監

厥亂為民參謂卿三人伍謂大夫五人鄭司農云殷治律輔為民之平也玄謂殷衆也謂衆士也王制諸侯上士二十七人其中士下士各居其上之三分輔府史庶人在官

者釋曰鄭云以侯伯有功德者加命作州長謂之牧者案下曲禮云州牧於外曰侯即是先取侯有功德者為牧若無賢侯伯亦得故連言侯伯有功德者云加命作州長者以其侯伯七命州牧八命故云加命作州長云所謂八命作牧者案大宗伯職云七命賜國八命作牧是也若殷

之牧下天子使大夫三人為三監至周使伯佐牧不使大夫故詩旄丘序云旄丘責衛伯也鄭云衛康叔之封爵稱侯今日伯者時為州伯也周之法使伯佐牧即僖公四年五侯九伯五侯是州牧九伯是牧下之伯云監謂公侯伯

子男各監一國引書曰王啓監厥亂為民者此是尚書梓材之篇周公封康叔而勅之證監是諸侯之義也云參謂卿三人者案左氏傳杜泄云吾子為司徒夫子為司馬孟氏為司空則諸侯三卿司徒司馬司空也云伍謂大夫五人者謂司徒下二大夫一大夫為司徒大夫一大夫為大宰大夫司空下二大夫一大夫主司空事一大夫為司寇

大夫司馬事省闕一大夫故五人鄭司農云殷治律輔為民之平也者謂置官主法律輔為人之平者謂置輔是平斷此先鄭蓋是後代之法故後鄭易之云玄謂殷衆也謂衆士者士種殷與旅同並是衆義故鄭玄謂衆士也又引王制諸侯上士已下者案彼注大國之士為上次國之士為中小國之士為下言數各居其上之三分者此謂盟會

立位之序大國之士為上比而前行上九中九下九次國之士為後行上士當大國之中七中士當大國之下士下士當其空小國之上士當大國之下士中士當次國之下士下士當其空故云數各居其上之三分引之為破司農那為治律云輔府史庶人在官者破司農輔為民之平若然建立陳置其義可知其伍言傳者謂大夫上有卿下有士受上政傳於下受下政傳於上故獨云傳乃施則于都鄙而建其長

立其兩設其伍陳其躬置其輔

釋曰上已言八則治都鄙更令施則

於都鄙故言乃亦是更申勅之義建其長謂公卿王子弟為采邑之主以是一邑之長故言建其長立其兩者謂每采地之中立其兩卿設其伍陳其躬置其輔義與上邦國同注長謂公卿大夫王子弟言三卿者不足于諸侯鄭司農云兩謂兩丞釋曰云長謂公卿大夫者案典命云三公八命其卿六命其大夫四

小六四

周禮二

二二

期

命案大宗伯云六命賜官彼注王六命之卿賜官者使得自置其臣治家邑如諸侯則此云長唯據公卿已上大夫四命不合立官此鄭云長謂公卿大夫并言大夫者以其大夫雖立官不與公卿同亦得稱長是廣解長義其實大夫不合有兩卿五大夫當與諸侯之卿同官事當相兼也云王子弟食采邑者謂親王子弟食邑與三公同在五百里置地各百里其次疏者在四百里縣地各五十里與六卿同已上二者得立兩卿五大夫之等其次更疏者在三百里稍地各食二十五里與大夫同不得立兩卿五大夫亦職相兼也云兩謂兩卿不言三卿者不足於諸侯者以畿外諸侯南面為尊故得申而立三卿天子三公六卿雖尊以其在天下故屈而立兩卿不足於諸侯鄭司農云兩謂兩丞者以其兩卿丞副其長先鄭以後代之官况之故云兩丞也此中唯有都鄙無家邑之名故都鄙中含有公卿大夫春官都宗人家宗人都家並有故公卿入都宗人中大夫則入家宗人中以其公卿雖有大都小都之

別而同名都故大夫不得都名直有宗稱故在家宗人也
至於夏官都司馬家司馬又與家宗人都宗人異故鄭注
都司馬唯云三公與王子弟其卿又入家司馬中以其司
馬辨尊卑六卿卑又自使其臣為司馬若叔孫氏之名臣
駿戾王家不為之立司馬故卿入中若然鄙都之內其號
有三若得諸侯之號唯三公王子弟故司裘諸侯熊侯豹
侯卿大夫葉侯是卿不入諸侯也若立臣如諸侯即此
文卿與公同若稱長可及大夫亦此注含大夫是也

施灋于官府而建其正立其貳設其攷陳其殷

置其輔釋曰案上官府在都鄙上此文在都鄙下者欲見都鄙置臣與諸侯同又見諸侯下亦有都鄙

之義故進都鄙在上使文丞邦國之下也已上言八法治官
府今更言施法于官府言乃者亦是更申勅之也而建其
正正長也亦是一官之長若大宰之等云立其貳者謂小
卿副貳大卿即小宰之等設其考者考成也佐成事者宰

大五共

周禮二

二十三

夫之等也般注正謂冢宰司徒宗伯司馬司寇司空也貳

輔義與前同注謂小宰小司徒小宗伯小司馬小司寇小

司空也考成也佐成事者謂宰夫鄉師肆師軍司馬士師

也司空云未聞其考釋曰宰夫已下並是五官之長云
司空云未聞其考者案鄉師云及葬執燹以與匠師御凡

注云匠師事官之屬其於司空若鄉師之於司徒若然鄉

師是司徒之考則匠師亦司空之考而此云未聞者彼

文以義約之司空考匠師也無正文故此云未聞也

治以典待邦國之治以則待都鄙之治以灋待

官府之治以官成待萬民之治以禮待賓客之

治釋曰以其天官主治故以目之六典本以治邦國故云
以典待邦國之治八則本以治都鄙故云以則待都鄙
之治八法本以治官府故云以法待官府之治八成本以
治萬民故云以官成待萬民之治禮者本以接賓客故云

以禮待賓客之治據上文官成在八法治官府中今特出之者以其八成本待萬民不待官府若不特出之則無此待萬民之事正八法官府者欲見官府執行故禮記云誰能秉國成則八成也以禮待賓客本在八統今特見之者以上親親敬故進賢使能保庸尊貴達吏皆是王行之於朝以示於民使民觀之入善不必更別有禮唯禮賓特別有禮若聘禮之類也此皆言以者當別有篇卷使人執持施行之知然者以周禮六官皆邦國之治則六官掌事不可專主邦國故知別有篇注成八成禮賓禮也釋曰卷但在三百之中亡逸也注八成小宰職掌禮賓禮者若聘禮觀禮掌禮之等是也

祀五帝則掌百官之誓戒與其具

脩釋曰祀五帝則掌百官之誓戒者謂祭前十日已前誓戒百官則大宰掌之與其具脩者使百官供祭祀之具及脩之注祀五帝謂四郊及明堂誓戒要之以刑重失禮掃除也注也明堂位所謂各揚其職百官廢職服大刑是

卷六

周禮二

二十四

元

其辭之略也具所當共脩掃除糞酒釋曰五帝者東方青帝靈威仰南方赤帝赤熛怒中央黃帝含樞紐西方白帝白招拒北方黑帝汁光紀依月令四時迎氣及季夏六月迎土氣於南郊其餘四帝各於其郊并夏正祭所感帝於南郊故云祀五帝於四郊也鄭云及明堂者摠饗五帝於明堂依月令秦用季秋鄭云未知周以何月案下曲禮云大饗不問卜鄭云祭五帝於明堂莫適卜也彼明堂不卜此下經云帥執事而卜日則此祀五帝不合有明堂鄭云及明堂者廣解祀五帝之處其實此處無明堂云誓戒要之以刑重失禮者言要之以刑則服大刑是也言重失禮者以失禮為重故要之以刑引明堂位彼在祭祀之下陳之謂祭日此是未祭前引之者欲見祭前誓戒還用祭日之辭以勅之故或前或後其辭同云是其辭之略者謂誓戒之時其辭應多不應唯有此言故云辭之略也又云具所當供者祭祀之連事祭祀之具百官共供故云具謂所當供又云脩掃除糞洒者案官人云掌六寢之脩守祧

云其廟有司脩除之
是其脩掃除糞洒也

前期十日帥執事而卜日遂

戒釋曰前期者謂祭日前夕為期云前期十日者即是祭
前十一日大宰帥宗伯大卜之屬執事之人而卜日又

言遂戒者謂祭前十日遂戒百官始齊注前期前所誦之日也十日容散齊

日遂戒百官始齊注七日致齊三日執事宗伯大卜之

屬既卜又戒百官以始齊釋曰云前期前所誦之日者

此依少牢所誦之日即祭日也凡祭祀謂於祭前之夜為

期今言前期十日者明祭前十一日卜卜之後日遂戒使

散齊致齊故云十日容散齊七日致齊三日案禮記祭統

云散齊七日以定之致齊三日以齊之云執事宗伯大卜

之屬者大宗伯職云凡祀大神享大鬼祭大示帥執事而

卜日謂宗伯涖卜又案大卜云大祭祀視高命龜故知執

事中有宗伯大卜之屬中含有小宗伯及卜師故言之屬

但四時迎氣冬至夏至郊天等雖有常時常日猶須審慎

仍卜日故表記云不犯日月不違卜筮注日月謂冬夏至

正月及四時也所不違者日與牲尸也假令不吉改卜後

日故箴膏肓云天子郊以夏正上旬之日魯之卜三正下

旬之日是雖有常及執事既滌濯釋曰及猶至也謂

時常日猶卜日也

滌濯案春官小宗伯大祭祀既滌濯大宗伯亦云宿既滌

濯彼二官親既滌濯大宰尊亦往涖之注云執事初為祭

事前祭日之夕知者案下經及納亨者是祭日此云既滌

濯儀禮特牲亦云前祭日之夕視壺濯及豆邊士卑得與

人若同少牢大夫禮當祭日既祭器者下人君也注又云

滌濯謂既祭器及既獻之屬知然者案少牢雍人既鼎七

俎廩人既既獻司宮既豆邊及勺爵此

不言匕俎豆邊勺爵者之屬中含之

及納亨楚貝王

牲事釋曰及猶至也至納亨者案禮記明堂位君肉袒

迎牲于門卿大夫贊君及殺訖納與亨人故言納

其六贊王牲事者即是

注既殺以授亨人凡大祭祀君親

即大夫贊幣一人也

即大夫贊幣一人也

即大夫贊幣一人也

牽牲大夫贊之釋曰云納亨納牲將告殺者謂牽牲入時也禮器云納牲詔于庭殺訖毛以告純血以告殺腥其

俎解而腥之以此訖乃納與亨人燔祭此言納亨者以牽牲也云謂嚮祭之晨者案檀弓云周人大事以日出故

知納亨是嚮祭之晨此祭天無裸故先迎牲若宗廟之祭有裸而後迎牲也云既殺以授亨人者案亨人職職外內

養之饗亨謂腥其俎後云凡大祭祀君親牽牲大夫贊之者此明堂位文彼魯侯用天子禮故還以引證天子法一

及祀之日贊玉幣爵之事釋曰及猶至也至祭日謂質明贊助也執此玉

幣爵三者助注日且明也玉幣所以禮神玉與幣各如其而授王也方之色爵所以獻齊酒不用玉爵尚質也

三者執以從王至而授之釋曰案特牲少牢皆質明行事故知且明云玉幣所以禮神玉與幣各如其方之色者

上云祀五帝以為迎氣於四郊之等案大宗伯以王作六器以禮天地四方又云青圭禮東方赤璋禮南方白琥禮

周禮二

二十六

西方玄璜禮北方季夏六月迎七氣於南郊亦用赤璋下云牲幣彼雖幣不是禮神之幣亦去各放其器之色是其

禮神幣與玉亦各如其方色也云爵所以獻齊酒者案冪人云疏布冪八尊八尊者五齊三酒之尊以其祭天無裸

故無彝尊也云不用玉爵尚質也者對下經享先王用玉爵尚文此祭天不用玉爵故云尚質云三者執以從王至

而授之者謂至此祀圓丘方澤祭所而授祀大神示亦之王親自執玉幣奠於神坐親酌以獻尸

如之釋曰云祀大神謂冬至祭天於圓丘云祀大神謂夏至祭地於方澤亦如之者從掌百官誓戒已下贊玉

別爵之事已上皆注大神祇謂天地釋曰此天謂大夫云祀五帝之禮對五帝為小天此地謂大地對神州之

神為小地故如天地也**享先王亦如之贊玉几玉爵**釋曰亦如之

幣言贊玉几玉爵則天地不用玉几玉爵其言亦如之注有謂亦贊玉牲事已上不云大者欲見宗廟六享同然

王几所以依神天子左右王几宗廟獻用玉爵釋曰云天子左右王几者此是司几筵文彼所云者謂王受諸侯朝覲會同所設今此享先王鬼神之几亦與王平生同故引為證此享先王有王几玉爵天地有爵但不用玉飾祭宗廟用玉几天地亦應有質几不言之者文不具云宗廟獻用玉爵者案明堂位獻用玉琖謂王朝踐饋獻酌尸時若裸則用圭璜也
大朝覲會同贊玉幣玉獻玉几玉爵釋曰

諸侯四時常朝不稱大今朝覲稱大者諸侯為大會同而來故稱大朝覲贊助也助王受此玉幣玉獻玉几玉爵也注助王受此四者時見曰會殷見曰同大會同或於春朝亦如小行人所合六幣云玉獻獻國珍異亦執玉以致之王几王所依也立而設几優尊者王爵王禮諸侯之酢爵王朝諸侯立依前南面其禮之於阼階上釋曰云時見曰會者此大宗伯文案彼注時見者言無常期諸侯有不

順服者其順服者皆來會京師助王討之故云時見曰會云殷見曰同者亦大宗伯職文殷猶眾也謂十二歲王如不巡狩諸侯眾來同見天子故曰殷見曰同云大會同或於春朝或於秋覲者大會雖無常期當春來即是春朝當秋來即是秋覲當夏來即是夏宗當冬來即是冬遇若大同則有常期春東方六服盡來夏南方六服盡來秋冬可知云舉春秋即冬夏可知者經直云大朝覲不言宗遇有宗遇可知在國行朝禮訖乃皆為壇於國外而命事焉云玉幣諸侯享幣也者諸侯會同皆依四時常朝亦春夏受贄于朝受享幣者於廟秋冬一受之於廟受朝既訖乃受享獻國所有珍異其行享之時亦辟琮加束帛以致之云其合亦如小行人所合六幣云者案小行人所合六幣圭以馬璋以皮璧以帛琮以錦琥以繡璜以黼據彼鄭注五等諸侯享天子用璧以帛享后用琮以錦則璧以馬璋以皮者謂二王之後享天子用圭以馬享后用琮以皮則琥以繡璜以黼者子男自相享法但小行人所云者謂四時

常朝不見大朝觀會同法約與四時常朝同無正文故言云也云王獻獻國珍異亦執玉以致之者謂三享之外別有獻國珍異亦如三享執玉以致之故言玉獻謂以玉致獻也云玉凡王所依也者謂王所馮依云立而設几優尊者知立而設几者案司几筵云大饗射凡封國命諸侯王位設黼依依前南鄉左右玉几是立而設几也但春夏受享秋冬一受之於廟廟中則有展前設几法几為坐設今立而設几故云優至尊也云玉爵王禮諸侯之酢爵者案大行人云上公再裸而酢侯伯一裸而酢子男一裸不酢此裸時大宗伯攝裸非冢宰所贊但諸侯酢王用玉爵則冢宰贊王受之故云贊玉爵云王朝諸侯立展前南面者此約司几筵知之謂秋冬朝時云其禮之於阼階上者言禮之謂裸諸侯是也知王在阼階上者當依賓主之禮案燕禮王君在阼賓在牖戶之間故知禮之王在阼階上也

大喪贊贈玉含玉

釋曰大喪謂王喪注助王為之也贊玉為此二者也

本九

周禮二

二十八

天錫

以送先王含玉死者口實天子以玉雜記曰含者執璧將命曰寡君使某含則諸侯含以璧鄭司農云含玉璧琮釋曰大喪既是王喪云助王為之也者謂助嗣王也云贈玉既定所以送先王者案既夕士禮既定謂下棺訖主人贈用玄纁以入壙王喪雖無文應更有加亦當以玄纁為主也所贈亦既定時也云含玉死者口實者案士喪禮用貝三鄭注左右顛及中央象鬻堅王含用玉義亦然也又檀弓云飯用米貝不忍虛也故云口實也云天子以玉者此云含玉王府典瑞皆直云玉無異物之稱對大夫已下不用玉其實亦為璧形故引雜記復引先鄭為璧琮之形也但含玉始死用之贈王於葬乃用此文後云含玉者用之則有先後此作文先後無義例典瑞并云飲玉此不云者文不作大事則戒于百官贊王命

作大事則戒于百官贊王命

釋曰上巳云祀五帝及大

神祇祭祀大事戒百官訖則此注助王為教令春秋傳曰云作大事戒于百官唯戎事也注國之大事在祀與戎

釋曰春秋傳者成十三年劉康公成肅公會諸侯伐秦成子受賑于社不勸劉子曰國之大事在祀與戎祀有執膳戎夏厭神之大節也今成子情棄其命矣其不反乎引之者證經大事是戎事連引在祀耳

王眡治
之則助王平斷
釋曰王有三朝必知

朝則贊聽治
注治朝在路門外羣臣治事之朝王視

此是路門外朝者但外朝是斷疑獄之朝路寢庭朝圖宗人嘉事二者並於事簡非正朝故知治朝是路門外司士所掌

眡四方之聽朝亦如之
注謂王巡守在外時
釋曰經云四方聽朝故知巡

狩時此鄭據依常者而言征伐外亦有聽朝法以非常法故不言也
凡邦之小治則冢宰聽之
釋曰重出冢宰之名者據百官摠焉故特云冢宰也

待四方之賓客
注大事決於王
歲終則令百官府各正

之小治
注大事決於王
歲終則令百官府各正

其治受其會
注正正處也會大計也
釋曰言正正

處其所治文書大宰乃受其計會也云會大計者一歲計會即宰夫職云歲計曰會是也
聽其致事

而詔王廢置
注平其事來至者之功狀而奏白王
釋曰百官致其治政功狀與冢宰聽斷

其所置之功狀文書而詔告于王有功者
三歲則大計
置之進其爵有罪者廢之退其爵也

羣吏之治而誅賞之
釋曰三年一閏天道小成則大計會

有廢置今三年上大計大無功不徒
徒置必賞之鄭司農云三載考績
釋曰此尚書舜典文彼云

周禮疏卷第二
三載考績黜陟幽明彼三年一考與此同故引證三歲大計也



